

*His Tibi perpetuas Virtutis colligis arte  
Divitias, caries quas neq; marcor edet.  
Ergò nunc sequitur merces optata laborem,  
Dum capis Aonij jura Magisterij.  
Gratulor hos titulos, insignia, nomina, laudes,  
Et precor, ut tribuat premia plura DEUS.  
Gratulabundus appropereb:*

*M. Gottfriedt Salbach.*

---

**N**ectite Pierides verno de flore coronam,  
Nectite Cramero mollia ferta manu;  
Tempora, quâ fas est, lauro redimite juventæ,  
Quæ divis Musis pectora nata gerit.  
Ultimus haud fuerat Cramerus miles in armis,  
Phœbe, tuis, hinc nunc præmia digna capit.  
Sed quid nunc Phœbum, quid nunc moneove Camanas  
Nam jamdum docta fronde revinctus abit.  
Gratulor ex animo dignos tibi frontis honores,  
Heic qui te studiis incubuisse docent.  
*Amicissimo suo competitori approb.*

*M. Henricus Thomæ  
Mœno - Francofurtanus.*

---

**S**unt, queis Fortune Zephyris, curâq; parentum  
Puncta beatorum ferre benigna datur,  
Oris qui missi patriis transire Lycæa  
Crassi velificant ære reposto atavi:  
Sunt, quibus à teneris Tutorum cura favorq;  
Formavit studiis assiduis animum.  
Haut tamen emergunt dias in tuminis oras,  
Tendere nec curant nobile laudis iter.  
Instar lumbrici repunt, & humi usque jacentes  
Umbrarum cecis semper amant latebras.

*To*